

ԿԱՂՆԻ
(Հայրիկին)

Նվեր իշխ. Մ. Թ՝<ումանյանին>

- Անտառի միջին բարձրանում էր մի
Հաստաբուն հսկա - ծերունի կաղնի:
Երկինքը բոցոտ շանթ ու կայծակով
Այրել էր նրա բունը շատ անգամ
- 5 Եվ փոթորիկը յուր սառը զարկով
Զարկում էր անդուլ, սուլում շարակամ
Գարնան կարկուտը, տապերն ամարան,
Հանդիպում էին առաջ դեռ նրան,
Եվ ձմրան գուժկան ագռավն էլ գալիս
- 10 Նրա գլխին էր իջնում վայ տալիս...
Բայց նա միշտ կանգուն, նա միշտ աննկուն
Հուսով նայում էր ամպած երկնքին,
<1 անընթ. > համբուրում շոգին ու բուքին,
Նորա շուքի տակ, նրանից շատ ցած
- 15 Խըռնվել էին իրար փաթաթված
Աննշան խոտեր, թփեր ու ծառեր:
Նրանք նայելով մեծ կաղնին ի վեր,
Ցրտից խըշշալով, հողմից դողալով,
Կամ թե ամպրոպին արձագանք տալով
- 20 Թեքթեքվում էին իրար ականջում
[Զնչին ձայներով] դրժգոհ շըշընջում.-
«Սա, որ վերև է բարձրացել այսքան,
Ոչ որոտ գիտի, ոչ քամի, ոչ բան...»: